

**Inuussutissarsiutigalugu piniarnermut allagartat pillugit Namminersornerullutik
Oqartussat nalunaarutaat nr. 20, 27. november 2003-meersoq**

Piniarneq aallaaniarnerlu pillugit Inatsisartut inatsisaanni nr. 12-imi, 29. oktober 1999-imeersumi, Inatsisartut inatsisaatigut nr. 11, 12. november 2001-imeersukkut allanngortinneqartumi, § 6, § 12, § 13, imm. 1 aamma § 17, imm. 2, malillugit aalajangersarneqarput:

Atuuffii

§ 1. Nalunaarut una Kalaallit Nunaata nunataani aalisarnikkullu oqartussaaffigisaani inuussutissarsiutigalugu piniarnermut aallaaniarnermillu atuuppoq.

Imm. 2. Nalunaarummi uumasut miluumasut timmissallu tamarmik pineqarput.

Inuussutissarsiutigalugu piniarsinnaanermut aallaaniarsinnaanermullu akuersissuteqartarneq

§ 2. Inuit taamaaliornissamat akuerineqarsimasut kisimik inuussutissarsiutigalugu piniarnermik aallaaniarnermillu ingerlatsisinnaapput.

Imm. 2. Akuersissut inuussutissarsiutigalugu piniarsinnaanermut allagartatut tunniunneqartarpoq.

§ 3. Inuussutissarsiutigalugu piniarsinnaanermut allagartaq qinnuteqartoqarneratigut tunniunneqartassaaq inunnut:

- 1) inuiaqatigiinnut kalaallinut aalajangersimasumik attuumassuteqartunut,
- 2) Kalaallit Nunaanni najugaqartutut inuit nalunaarsorsimaffianni nalunaarsorsimasunut, Kalaallit Nunaannilu ukiuni kingullerni marlunni najugartutut nalunaarsorneqarsimasunut,
- 3) Kalaallit Nunaannut tamakkiisumik akileraartartussaasunut, Kalaallit Nunaannullu ukiuni kingullerni marlunni tamakkiisumik akileraartartuusimasunut, aamma,
- 4) piniarnermit, aallaaniarnermit aalisarnermillu isertitaqartunut isertitat tamarmiusut ikinnerpaamik 50%-iisa nalinginik. Angallatit angallatip uuttuutaanut uppersarsaat naapertorlugu 150 BRT-init imaluunniit 210 BT-init anginerusut atorlugit aalisarnermit isertitat tamarmiusut piniarnermit, aallaaniarnermit aalisarnermillu isertitat tamarmiusut naatsorsuusiorneqarnerannut ilanngunneqassanngillat. Qinikkatut pisortanillu toqqakkatut suliassaqartitaanermit aningaasarsiat, inuussutissarsiutigalugu piniartut kattuffiisa/peqatigiiffiisa siulersuisuini sulinermit aningaasarsiat, piniarnermit, aallaaniarnermit aalisarnermillu isertitat tamarmiusut naatsorsorneqarnerannut imaluunniit isertitat ilanngaasigaanngitsut tamarmiusut naatsorsorneqarnerannut ilanngunneqassanngillat. Piniarnermit, aallaaniarnermit aalisarnermillu aalajangersagaq manna malillugu isertitat tamarmiusut naatsorsorneqarnerannut ilaapput isertitat tamarmiusut, akiliuteqarluni aallaaniarneq aalisarnerlu pillugit Namminersornerullutik Oqartussat nalunaarutaat naapertorlugu, akiliuteqarluni aallaaniarnermik aaqquissuinermit imaluunniit akiliuteqarluni aallaaniarnermut atatillugu

ilisimasortatut suliaqarnermit pissarsiarineqartut.

§ 4. Aalisarnermut Piniarnermullu Pisorta qarfik kommunip najuga qarfiup inassute qarneratigut tamatumunnga ilanngunneqartumik allakkatigut najukkami aalisartut piniartullu peqatigiiffiannik tusarniaasoqareerneratigut inuussutissarsiutigalugu piniarsinnaanermut allagartamik immikkut akuersissuteqarsinnaavoq.

Imm. 2. Inuussutissarsiutigalugu piniarnermut allagartartaarnissamut immikkut akuerineqarnissamik qinnuteqaat kommunip allaffiatigoortillugu Aalisarnermut Piniarnermullu Pisorta qarfimmu ingerlatinneqassaaq.

Imm. 3. Imm. 2 naapertorlugu immikkut akuerineqarneq qaammatisiutit ukiuanni tunniunneqarfigisimasamini atuutissaaq.

§ 5. Inuussutissarsiutigalugu piniarsinnaanermut allagartaq killissarititaasut inatsisini allani aalajangersarneqartut iluanni piniarnissamut aallaaniarnissamullu pisinnaatitsivoq.

Inuussutissarsiutigalugu piniarnermut allagartartaarniarluni qinnuteqarneq

§ 6. Inuussutissarsiutigalugu piniarnermut allagartassamik qinnuteqaat immersuiffissamut Aalisarnermut Piniarnermullu Pisorta qarfimmu ilusilersugaq atorlugu kommunimut najugarigisamut nassiunneqassaaq.

Imm. 2. Qinnuteqaat nassiunneqartinnagu kommunip najugarisap najukkami aalisartut piniartullu peqatigiiffiannut tusarniaassutigalugu saqqummiussinnaavaa. Qinnuteqaat kommunimit najugarisamit uppersarlugu atsiorneqassaaq, tassani qularnaarneqassalluni § 3 malillugu piunasaqaatit naammassineqarsimanerat.

Imm. 3. Kommunimit najugarisamit isumaqarfigineqarpat qinnuteqartup § 3-mi piunasaqaatit naammassisimangikkai, taamaattumillu qinnuteqaat uppersarneqaranilu Aalisarnermut Piniarnermullu Pisorta qarfimmu nassiunneqanngippat, taama pisoqarnera kommunip allakkatigut qinnuteqartumut nalunaarutigissavaa, assiliner Aalisarnermut Piniarnermullu Pisorta qarfimmu nassiullugu.

Inuussutissarsiutigalugu piniarnermut allagartap atorsinnaassusia

§ 7. Inuussutissarsiutigalugu piniarnermut allagartaq tassaavoq Aalisarnermut Piniarnermullu Pisorta qarfiup giro atorlugu akiliiffissiaata akiliisimanermut uppersaatitaa.

Imm. 2. Inuussutissarsiutigalugu piniarnermut allagartap tunniunneqarnerani 50 kr.-inik akiliuteqartitsisoqassaaq.

Imm. 3. Inuussutissarsiutigalugu piniarnermut allagartaq taamaallaat atuuppoq akiliisimaneq uppersarsimagaangat atuuttarlunilu qaammatisiutit ukiuat allagartap atuuffissaa naallugu. Akiliisimanermut uppersaat tassaavoq giro atorlugu akiliiffissami aningaaseriviup allakkerisarflluunniit naqitsisaa imaluunniit allatut iliorluni paatsoorneqarsinnaanngitsumik qularnaatsumillu nalunaarsuineq, giro atorlugu akiliiffissami akileqquneqartup 50 kr.-inik aningaasartaqartup akilersimaneranut uppersaatit.

Imm. 4. Aalisarnermut Piniarnermullu Pisorta qarfiup inuussutissarsiuṭigalugu piniarsinnaanermut allagartaq tunniuteriigaq atorunnaarsissinnaavaa inuussutissarsiuṭigalugu piniarnermut allagartaqarnissamut piunasaqaatit tunniussinerṁi naammassineqarsimanngippata imaluunniit tunniussinissamut piunasaqaatit naammassineqarsinnaajunnaarpata.

§ 8. Inuussutissarsiuṭigalugu piniarnermut allagartamik piginnittoq aalajangersimasumik akis-sarsiaqarluni suliffittaarpata taamaalillunilu § 3, imm. 1, nr. 4 aalajangersakkat naammassisinnaajunnaarlugit imaluunniit allatut inuussutissarsiuṭigalugu piniarnermik aallaaniarnermillu ingerlatsinerṁinik unitsitsippat, tamanna ullut 30-t qaangiutsinnagit kommunimut najugarisamut nalunaarutigineqassaaq. Allangortoqarneranik paasissutissat Aalisarnermut Piniarnermullu Pisorta qarfiimmuṭ ingerlateqqinneqassappuṭ, taakku pineqartoq sunngiffimmi aallaaniarsinnaanermut allagartat pillugit Namminersornerulluṭik Oqartussat nalunaarutaat malillugu aallaaniarnermut allagartartaarnissaanik neqeroorfigissavaat.

Imm. 2. Kommuni najukkami aalisartut piniartullu peqatigiiffianṁik tusarniaaviginneersimanerṁi kingorna isumaqarpat inuup § 3 malillugu inuussutissarsiuṭigalugu piniarnermut allagartaqarnissamut piunasaqaataasut naammassisinnaajunnaarsimagai, taava kommunip inuk allakkatigut nalunaarfigissavaa pissutsillu allangorneranṁik Aalisarnermut Piniarnermullu Pisorta qarfik nalunaarfigalugu.

§ 9. Inuussutissarsiuṭigalugu piniarnermut allagartaq piginnittumuinnaq tungavoq allamullu tunniuteqqusaanani, tuneqqusaanani atukkiuteqqusaananiluunniit.

Imm. 2. Inuussutissarsiuṭigalugu piniarnermut allagartaq kinaassutsimut uppersaammuṭ atuuttumut ilanngullugu piniarnerṁi aallaaniarnerṁilu nassarneqartassaaq nakkutilliinermullu atatillugu politiit, piniarnermik aalisarnermillu nakkutilliisut, taakku ikiortaasa imaluunniit inuit tamatumunnga piginnaatitaasut piunasaqarnerisigut takutinneqartassalluni.

Pisanik nalunaaruteqartarneq

§ 10. Inuussutissarsiuṭigalugu piniarnermut allagartalik kinaluunniit pisussaavoq pisaminik nalunaarsuissalluni. Qaammatit naaneri tamaasa pisanisimasat naatsorsuusiorneqartassappuṭ. Ukiumut pisanisimasat pillugit kisitsisit, imm. 2 naapertorlugu piffissap pisanik nalunaarsuiffiusussap naanerani, pisanik nalunaarsuiffissamut Aalisarnermut Piniarnermullu Pisorta qarfiimmuṭ suliarineqarsimasumut naatsorsuusiorneqassappuṭ, oktobarillu ulluisa 15-iat tikitsinnagu allakkerivikkut akeqanngitsumik utertinneqassalluṭik.

Imm. 2. Piffissaq pisanik nalunaarsuiffiususaaq tassaavoq oktobarip ulluisa aallaqqaataanniit septembarip ulluisa 30-iannuṭ.

Imm. 3. Inuussutissarsiuṭigalugu piniarsinnaanermut allagartap taarserneqarnissaanuṭ tungaviussaaq piffissamut pisanik nalunaarsuiffiusussamut qaangiuttumut pisanik nalunaarsuilluni immersuiffissap immersorneqarsimasup nassiunneqarsimanissaa aamma inuup inuussutissarsiuṭigalugu piniartutut inissisimanerata atorunnaarsimannginnera, tak. § 7, imm. 4 aamma § 8, imm. 2.

Imm. 4. Inuussutissarsiuṭigalugu piniarnermut allagartartaarnissamut qinnuteqaatit suliarineqassanngillat pisanik nalunaarsuiffik, piffissami pisanik nalunaarsuiffiusussaatitaaffimmi

siuliani pisanik nalunaarsuiffimmik immersuiffissaq immersorneqarluni nassiunneqarsimangippat.

Immikkut akuersissuteqartarneq

§ 11. Aalisarnermut Piniarnermullu Pisortaqarfik nalunaarummi matumani maleruagassat immikkut saneqqunneqarnissaannut akuersissuteqarsinnaavoq tamanna ilisimatuutut misissuinerit pisariaqalersippassuk.

Pineqaatissiissutit

§ 12. § 2, imm. 1-imik aamma § 9, imm. 1-imik 2-millu unioqutitsisut akiliisitsinikkut pineqaatissinneqarsinnaapput.

Imm. 2. § 2, imm. 1-imik aamma § 9, imm. 2-imik unioqutitsisoqartillugu pisat taakkuluunniit nalingat naalagaaffiup karsianut iluaqutissanngorlugit arsaarinnissutigineqarsinnaapput.

Atuutilerfia

§ 13. Nalunaarut atuutilerpoq ulloq 1. januar 2004.

Imm. 2. Tamatumunnga peqatigitillugu Inuussutissarsiutigalugu piniarnermut allagartat pillugit Namminersornerullutik Oqartussat nalunaarutaat nr. 2, 3. januar 2002-meersoq atorunnaarsinneqarpoq.

Namminersornerullutik Oqartussat, ulloq 27. november 2003.

Simon Olsen

/

Amalie Jessen